



E mamuitunanut tshetshi uauitakan uinipek^u-pikassun, ute Canada Ka ishi petamak

Ka ishi petamak	1
Pitu-tshishe-utshimass utaiamun	2
E uauitakan tan ka ishi nitshishkatutinanut.....	4
Ka ishi-unipanit ne ka ishipimutanut	5
Tanite tshe ashtakanit ne uinipek ^u -pakassun tshetshi nitaushitakannit mak tshetshi takut pukutaun.....	7
Ka ishipetamat... mitshetuau e uitakan.....	8
Uemuat tshetshi nitaushitan mak minupanitun	11
Ka ishipetamat... mitshetuau e uitakan	12
Nikanishtanun shipaneun kie minipanitatau nete uinipek ^u -pakassun, anutshish kie nikan.....	15
Ka ishipetamat... mitshetuau e uitakan	16
Innuat e pushipinat.....	21
Ka pimutat ute Canada uinipek ^u -atusseunnu	23
Minat kutak tshe ietunanut	23

Pitu-tshishe-utshimass utaiamun

Uinapek^u-pakassun nikan tsha ui takun. Tshinanu nishtin shipekua e kunenitameshk kie anu 250 000 ishpish mishikamau kie takun tshetshi mishituepinitakan -kie anu mak kat kutak assi. Peik^u auen patetat e tshitakan aput nete naneu-nete uinapek^u-pakassun takunikau nete taukam. Ute iat uinipekuat, Uashau Hudson, kie mishikimat shakaikana kie nete e tshi pimipan ishkuteu-ush ishpitenikakuen peik^u nete patetat e ishi mishikimat nipi ute ishpitishkimakat assit.

Ne pikassun nipit ka utshipan, mishta mishau. E mamushtakan, ne uinipek^u-pakassun ute Canada anu nishtinu mishta-shunia u peiku-pupunna ishpitenitakuan peik^u e ishikunenitashinanut ute Canada. E minu-atusseshtakan uinipel^u-atusseun anu tshipatshi minutananu. Atusseun tutakanu tshetshi minekash etatu shuiatsheuatshanut uinipek^u kie tshetshi eka metshipitakanitau nameshat kie nete kassinu tshekuan ka ut utshipan uinipekuat, tshetshi minupanitau anitshenat ka ut pakassutau uinipekuat.

Mashten ka atusseshtakan uinipek^u-pakassun 2002 mishta-atshitashuan. Ishpish tshi atusseshtakan, mishta nikanitanun nete ua nitakunitakan uashkamitan, ushimituanut. Tshipa ui pimutananu nete uinipek^u-pakassun. Ue Canada ui apishtau atusseunu tshetshi eka mashan pipiteu tshetshi eka akushiuimukuat uinipek^u, kutak uinipek^u-atusseun nete uinipek^u-pakassun tshetshi uauitshiaushit kaushiniamit tshe ishi matinuanut shunia. Minu-tshitapatamak e aietiak^u-ne e nishtit e uitakanikau uinipek^u, nutim nete uiesh e katshitaukut uinipekunu, nete ut inniumikuat assi mak ueshishat-ne ua utitinaikan tshetshi tshetshi eka metshipitakanitau nameshat, mitshim ka utshipan nete uinipekuat, tshipatshi pikassuatshanun kie shuniatsheuatshanun, akua aitunanut kie minu-nakutuenitan.

Ekuat ume tipaikan takut tshi utinikan tshetshit minu mamitunenitakan tanite tshe ishi tshiteuatshanut mak tan tshe ishi akua tutakan, uesh mak e minueniuimikuat uinipek^u minu-pitshitinam. Uinipek^u e minueniuimikuat etatu tshi utaim nenu pipiteu eka ka minuanit nete tshishikuat. Uinipek^u e minueniuimikuat mitshetu namesh kie mishau inniun tamipekuat. E minueniuimikuat uinipek^u, ne pakassun, ka atusseshit kie ut mitushit uinipek^u mitshiminut tshi ashpitishimuatsheuat, kie peikuan maniteuat tshi minu-utinashuat. Ne pikassun ua nitaupatat tshetshi minu-pakassutshishuatshanut ne uinipek^u-pakassun e shutshenitakuat. Kie ne ne uinipek^u-pakassun ekuannu tshe tutak tshetshi minupanit ute kakusseshit, akanishauat mak innuat.

Utat pupun, nikukuetshimatanan kakusseshit, akanishauat mak innuat tan tshipatshi ishi tutenanu atusseun tshetshi minu-atusseuatsheiak^u uinipek^u-atusseun. Ninatutuatanan auenitshenat pessish uinipekuat ka apit-innuat, kakusseshit, ka nanatuapatsheshit mak kutukat auenitshenat. Anitshenat ka aimitshit kie nitshishkutshit pukuatimupan tshetshi nitshishkutshit tshetshi uauitamakuiat e ishi-uapatakau, tan e

ishi-mamitunenimikuat mak tan ua ishi-petashit e uaitakanit uinipek^u-pakassun tshetshi minuekash takut. Ne ishi pitshitinikan aimun, tipatshimun mak tshissenitamun nika uaitshikuan, niteniten, tan tshe ishi atusseian, tan tshe ishi-tipapaikaman tshetshi minu-matinueian nete innit kie nete uinipekuat.

Nuishamauat kakusseshit, akanishauat innuat tshetshi tshitapatakau *mashinaikanu*, kie ninashkumauat anitshenat ka uaitshiaushitau. Tshishtatau atusseuakan tshetshi minutakan atusseun tan e ishi-uapatakan nete nikan - kassinu uasheshkunau- ut tshuinipekunimanu mak tshitassinu.

E minu-uitsheuakanitan,

Utshimashkueu, Joyce Murray, CP., ka tshishe-utshimau atusset
Ka Tshishe-Utshimau atusset. Akusseu-atusseun, uinipek^u mak et Nipi-kamakuneshit

E uaitakan tan ka ishi nitshishkatutinanut

Pishimuss 2019 mishta-atshitashun, tshishe-Utshimau atusset. Akusseu-atusseun, uinipek^u mak et nipi-kamakuneshit ute Canada minakanipan atusseunu tshetshi aiatainak nenu uinipek^u-pakassunnu tshetshi mishituepanitat kie nitautshitat uinipek^u-pakassunu, atusseun, iat e tshitapatakan tanite ua ishi tshitutanut. Ushkau-pishim^u 2020 ka pitshitinak utaimun tshishe-utshimashkueu, kau uitakanipan tshetshi atusseshtakan, iat ne ua minu-uitshuakanitau innuat.

Tshetshi tutakan ne atusseun. Apitin tshetshi petuakanitau kassinu auenitshenat ka kashtukutau nenu uinipek^u-pakassunu, tan ua ishi-tshitutakan, tshetshi kaniupanitan kie tshetshi nishtuapatakanit anitshenat innuat uminueniunau kie tshetshi tshetshi minekash innuimikuat ne uinipek^u-pakassun, e tshishpeuatakan uinipek^u mak nete ut uinipekuat ka utshipanikau tshekuan. Pêches et Océans Canada (MPO) aieshkushtapam mashinaikannu (nishuaush e tshishtauakan epishiminishkueu 2021 mishta-atshitashun unipinitanipan) tan tshe ishi-mashinaikanishtanikau ka ishi uitakan tshekuan.

Peikumitash tatu-tshishikua ashu patetat-tatanu ashu nishuaush ishpish nitshishkatutinanipan, anitshenat pitu-utshimassit e tshitapatakan ute assit, kie nete tshiuetanussit pitu-utshimauat, ka nanakutenitakau assinnu, ka mishta-tshishkutamuakanit, mak ka nananituapatsheshit mamuitupan. Kie, nuishamatanan ute kakusseshit, akaneshaut kie innuat tshetshi uitakau tan e itenitakau nete katusseutshitapatakan kie mak tshetshi mashinaimakuiat ka ishi-pashkapatakau.

Ka ishi-pimutanut ka mamuitunanut, mitshishuakan natshishkatutinanipan mak katusseutshitapatakan, e nenu aiatinimupan MPO, uitshi-atussemeu kutuka ka pitu-tshishe-utshimau atussenit, ka tshishe-utshimau atussenit mak ukupanieminu. Nutim ka tshishe-utshimau-atusset, ka pitu-tshishe-utshimau atusset mamunanipan tshetshit natshishkatshishutau, apu auen tshut ui unitshissituakan, kassinu auen utaimun ui apitshitakanipan. Anitshenat tshishe-utshimau kie mashinaitshetshua ka atat. Tshishe-utshimauat, Innovation, Sciences et Développement économique Canada, Transports Canada, Ressources naturelles Canada, Relations Couronne-Autochtones et Affaires du Nord Canada, Femmes, Égalité des genres et Développement économique rural, Petite Entreprise, Promotion des exportations et Commerce international ainsi que les organismes de développement régional. Iat anitshenat ka mishta-tshishkutamatunanut tutamupan atusseunnu tshetshi mamu atusseshtakan uinipek^u-pakassun: katshishkutamatshetshuap kamit-assit Memorial de Terre-Neuve-et-Labrador, l'Ecology Action Centre, SeaChoice, *Students on Ice* et la Vancouver Island Economic Alliance.

Anitshenat ka tat ne mitshishuan uaitamupan kie tshiuematupan aimunnu e uaitakanikau pakassuna, tan e ishi katshitaukuat mak nenu mamu e ishi-katshitaukutau, kie nenu nanitutuepan ka tshishe-utshimau-atussenit e ishi-minikuat atusseunu, anitshenat ka pimutat aimunnu tshekuannu ua itukuat. Ne e tshi mitshetitau auenitshenat, kassinu auen utinashipan nete kie at eka miam tapishkut e ishi mamitunenitakau.

Kie ne ka ishi tshieunikan, kuishkushiueu kie minu-pitshitinikunu aimun. Ekuta e nukat kie e tshissenitakuat kakusseshit, akaneshaut kie innuat ua mishituepanit nenu uinipek^u-

pakassunnu kie ua pushipinat nete nikan. Niminuenitanan tshetshi uapatiniueiat ume aimuna ka ishi katshitinimat « Ka ishi petamat ».

Tshishe-utshimauat kie ka tshishe-utshimau-atusset tshitapatamupan kie natutamupan, aimunnu ka ishi minikuat kie e ishi natshishtat anitshenat ka tat mitshishuan e uauitakan uinipek^u-pakassunu mak nete katusseukatshitapatakan ka ut tshiuenitau aimunnu. Mashinaikanishtakanipan ne aimun ka apitit tshetshi uitakanitakau ute mashinaikan ka ishpish nitshishkatunanut.

Ume mashinaikan itashtakanipan tshetshi nashakan (e minu nashakan) ume tan ne ka ishi-pimutanut ute mashinaikan, e uauitakan uinipek^u-pakassun, kie nass pikass e minu-uauitakanikau, miam mate ume aimun:

- Ne **tshetshi ishinakuat mak tshe ishi-natshishkanit** e uauitakan ne uinipek^u-pakassun ne ua mishituepanitakan kie pukutaun;
- Tshe ishi **utinakanit kupanieshit miam mate pinitukuat, innuat mataunnut, ka massit** tshetshi minu-atussanut;
- **Shipinun mak minuenimun** nete uinipek^u-pakassun anutshish kashikat mak nete aishkat.

Ne ka ishi-pitshitinikan aimun nika-tukuamakunan tan tshe ishitusseshtamat ne uinipek^u-pakassun, kie ne tshe aiaturanut mak tshe ishi pitshitinikan shuniaue ne uinipek^u-pakassun nete aishkat. Kie tshika uauitshianut tan tshe ishi uitshi-atussemakuat nete pitu-tshishe-utshimauat, nete tshiutin-tshishe-utshimauat mak innuat tshetshi utataimak ne takueitsheun mak anitshenat ka takuietsheshit.

[Ka ishi-unipanit ne ka ishipimutanut](#)

[Ashu-uitimatun] « Minu -naushunakanu tipaikan tshetshi atusseshtakan uinipek^u-pakassun. »

Nishuaush epishiminishkueu 2021 mishta-atshitashun uinipinitakanipan nete katusseutshitapatakan canada.ca/economiebleue, unipinitakanipan ne **mashinaikan ua mamuitunanut** kie ushkat minashtakan pitu-tshishe-utshimauat **mitshishuan e natshishkatunanut**. »

Ne Uinipek^u-pakassun mashinaikan peikushteu-tatanu itutan kukuetshtishemun. Nete **katusseutshitapatakan**, ne kukuetshtishemun kutunnu-ashu-nishuaush ishi tatipakanipan ka ishi uauitamutau anitshenat ka tshiuenitau aiamun. Mamu, neumitashimitinnu-ashu-kutuasht tatenu-ashu-kutuasht ishpish shakassinitapan mashinaikanu kie nete katusseutshitapatakan.

Peikumitashtatanu-tshishikua-ashu-patetat-tatanu ashu nishuaush ishpish nitshishkatutinipan ekue tshishtapan atusseun kutunnu-ashu-patetat uapikun pishim^u 2021 mishta-atshitashun. Ka ishpish nitshishkatunanut, **neunnu mitshishuakanna** tutakanipan, ashit mak nete tatipan e ishinakuat atusseun kie nete ut e utshipanit takuanipan (1614) peikutshishe-mitashimitinu-ashu-kutuasht-tatumitashimitinu-ashu-kutunnu-ashu neu auenitshenat itishinanipan, innuat nishumitashimitinu-ashu nishinnu-ashu-nesht mak nishtu-

mitashimitinu-ashu-kutunnu ashu nishuaush ishkueuat. Peikumitashimitinnu-ashu-nishinnu-ashu-patetat (125) ka ishi pishkapatan mashinaikanishtakanipan

Tanite tshe ashtakanit ne uinipek^u-pakassun tshetshi nitautshitakannit mak tshetshi takut pukutaun

Uinipek^u-pakassun ute Canada animin-pimipanu. Kassinu takaim nete ut e tshitapatakan e ishi-inniuimikuat assi-mitshim kie nete ut e nenemikuat tshishik^u mak itenitakuat- e mishat nete uenutishiun, kie ute iat auenitshenat Canada. Ne uinipek^u-pakassun mishituepanu nete e tshi atauanut kie nete kassinu tatipan e tshi mishituepinitakan, kie nete atautshaupit nanitam mishkutshipinu, eshk^u ma atusseuakan mak takueitsheun mishkutshipinu. Miam mamu, tshishe-utshimat takaitshemikuan mak nete kassinu ishpitishkamikat uinipek^u-takuaitsheun e ishi kashtauet.

Nete shek^u tshika uapatenau ne tshekuan e ishi kashtauet e uapatiniuanun nete uinipek^u-pakassun mashinaikan:

- Uashka assi etap eshinakuak
- Mishta-tshissenitamun mak eshi-pitukatakanit tshekuan
- Uessi-pitukatakanit tshekuan
- E atauanut uinipek^u-mitshim
- Shuniat
- E tshi itutenanut anite kaitauenanut
- Takuaitsheun mashinaikan

Nete uinipek^u-pakassun mashinaikan, kassinu ne tshekuan e apitit pikass minutshitapakanu mak passe ka kuketshimanitau Canada innuat. Ne e ishi kashtauet nete uinipek^u-pakassun uauitakanipan nete mitshishuan, nete iat e tshitapatakan akua e tutakan assi, tan tshe ishi kunenitakan mak tan tshe ishi ussi-atusseuatshanut.

Ka ishipetamat...mitshetuau e uitakan

Anitshenat ka aimit, ka uauitshiaushit ume ka atusseshtakan uinipek^u-mashinaikan tapuetatshishut tshetshi nitaushitan mak mashituepanitakan uinipek^u-pakassun, tshika ui minunishtutatshishunanun kie tshika ui atusseshtanu ute e uauitakanit ute uinipek^u-pakassun mashinaikan.

Ishi uauitakanipan ne shipekua mak nete kassinu tamipekuat ka utshipanit tshika ui minueniumikuan tshetshi minupan uinipek^u-pakassun. Tshetshi utitaikan, tshipa ui mishta-akua tutanu ishi kashtauket assi, tshetshi akua tutakan, tshetshi tshishpeuatakan, tshetshi minu-kunenitakan kie tshetshi kau ueueshtakanikau atusseuakan mak tutakanikau ussi-atusseuakan, mak tshetshi minueniumukutan uinipek, tshetshi minekash shipenet.

Mitshetua nipetenan ne ua ishi tshitutakan uinipek^u-pakassun kie ne atusseun ua utinikan tshetshi ashtanite mitenitakuat e mishkutshipan tshishik^u tshika ui nanakamitananu uesh ma mamu nen takun. Kie mitshetau uitanu kie ne uinipek^u-pakassun mashinaikan tshika ui nashatumikuan ne Canada e tutak atusseunu e tshitapatakan tshishik^u, ute canada e ishi nitaushit e mishkutshipin tshishik^u kie ute e ishpitishkamikat ute assit mak minueniumikuat uinipek^u kie minekash tshetshi takut.

Kie tshika ui tshissenitanu tan e ishpenitakuan ne uinipek^u, tshekuan nete takut, uesh ma etatu mishau ne uinipek^u-pakassun ishpenitakuat shuniau mak e ishikunenitashinanut ute Canada. Tshitano nete kie e ishpenitakuat e itishunanut, e ishi inniunanut, akua e tutakan assi, nete e inniunanut mak e ishi minueniut innu.

Ne e apitit e tshiuematinanut aimunna mak tshissenitamun tshetshi minu-nishtutakan ne ishtamit ka uauitakanikau kie minu-uitakanipan nete mitshishuan kie ka ishi pishkapatan mashinaikanishtakanipan. Anu ne, nipetetan e uauitakan takut tshi utshepinanut tshetshi mamushtakanikau kie tapipitakanikau ne tshitashuan kie e ishi kunenitashinanut nete uinipek^u-atusseun kie nipitat, kie innuat utshissenimitunau kie ka apit innuat, tshetshi nanitussenitakan tanite takut tshetshi shukashinakutan, takunikue atusseun. Nipetetan iat tshetshe mamushtakanikau ne eshi unipanicau aimun mak tshetshi nanatuapatakanikau e ne aiamun tshetshi uitamuakanitau anitshenat nenu ka kashtaukat kie tshetshi minu-utinakan aiamun. Kie, tshika ui uauitshianut kie uitshi-atussemanut innuat, kakusseshit kie anitshenat ka apit naneu tshetshi maushikanikau kie uitakanikau ka ishpish pitshitinikan aimun, iat e uauitshikanit ka nanatuapatsheshit.

Uitshi-atassemitun, mak atusseshit kie tshetshi nishtuapamitananut uauitakanipan ume ka ishpish atusseshtakan atusseun mak tshetshi ishpenitakanit innuat utshissenimitunau mak ne kakussesh utshissenitamun tshetshi minu-matinumatinanut. Ne iat nipetetan e uauitakan tan

[Ashu-uitimatun] « Tshika ui nashtuapatenanu ne pakassun nete e utshipan assit kie tshetshi minu-mishuepinitakan tshika ui nikanishtakanu ne ka inniimikuat assit mak nameshat kie tshika minueniumukutanu. »

[Ashu-uitimatun] « ne eka minu-tshitapatakan e ishi pitshitinikan nete e inniimikuat nete nipit ka utshipan ishi uitakanu miam tshe mishta-atusseshtakan ume anutshish kashikat nete ka nanatuapitsheshit [...] le Dasgupta Review. »

[Ashu-uitimatun] « Nimitshetinan mamu e ishi mamitunenitamat, mak apu mamu papissenitamat. »

tshe aiatunanut tshetshi petakan ussi-atusseun, tshetshi tepauanitaut atuannut mak tshetshi minutanikau takuaitshetu- mashinaikan.

Mitshetuau uitakanu kie ussi-atusseun takut tshi tutakanikau kie nete ka ut atussanut katusseutshitapatakan tshika ui takun tshetshi utitainikan ne ua mishituepinitakan uinipek^u-pakassun, issishuemikuan: tshetshi minueniuimikuat uinipek^u mak ne pakassun minekash tshi takut. Nipetetan e issishuanut ne ussi-atusseun tshika uitshiuueu tshetshi utshepinanut e atussanut, tshika tshi tepuanut kutukat mak tshetshi minutakan atusseun. Niminupetetan kie ne pakassun uet minekash inniuimikuat mak atusseun ne ussi-atusseun takunikau, e minuakau kie minekash takun. Takun tshi shtanakau nete ka tshimitekau ne tshishe-tshiuetin, nete tshiuetin mak nete naneu ka apit, miam pukupeutshikan, kie nete ishkuteu-uta e pimipanikau mak ne takapitshenikan e minuat.

[Ashu-uitimatun] « Ue Canada tsha ui petau atusseuakan, iat tan tshe ishi-ushkuishtakan tshetshi tshishkam nikanitanut tan tshe ishi mautakan mitshim, tan tshe ishi uatshipitanut, tan tshe ishi atusseshtakan mak tan tshe ishi pitukutan nete katusseutshitapatakan. »

Kie nipetetan e issishuanut ne tshishe-utshimau e ishi-uauitshiaushit, mak ne shuniautshuapit e iuiashinanut nemiu nenu muk kaiapitshissishit e animiutau tshetshi katshitinimitau shunianu; iat tshika ui utshepinanun e uauitshiakanit innaut mak uinipekuat ka ut pikassutau. Nipetetan iat tan tshipa tshi ishi uauitshiaushiu tshishe-utshimau tshetshi shutshiteieshkuat ka pakassitshishinit. Kie ishi unipitanipan tshetshi tshiam aiakanikau ume ushkat e atusseshtakan, tshetshi minupiteninanut nete tshishe-utshimat e uauitshiaushinanut mak nete e iuiashinanut shuniautshuapit tshetshi minutakan nete e aiakanikau tshekuan mak autsseuakan mak tshetshi nashakan ne atusseun e ishpishipan kie anitshenat ka aiapitshissishit taunut tshetshi eka animiutau.

Kie nipetetan e issishuanut ne tshishe-utshimau e ishi-uauitshiaushit, mak ne shuniautshuapit e iuiashinanut nemiu nenu muk^u kaiapitshissishit e animiutau tshetshi katshitinimitau shunianu; iat tshika ui utshepinanun e uauitshiakanit innaut mak uinipekuat ka ut pakassutau. E ishi uauitakan (miam mate uinipek^u-shuniau, tshetshi uauitshiaushit tshetshi nikanipan nete katusseutshitapatakanit mak shuniau tshetshi nikakan uinipek^u) minu tshitapatakanipan. Iat ne uauitakanipan tshetshi tutan atusseun neme uetinikan aimun tshetshi tapishkut tutuakanitau auenitshenat mak takuematsheun-mashinaikan tshika ui takun tshetshi minu-matinuanut shuniau, tshetshi tshishkutamuakanitau kupanieshit mak mitshetuit tshetshi katshitikan tshekuan nete uinipek^u-atusseun.

[Ashu-uitimatun] « ume ka tutakan atusseun, tshipa ui tutenanu mamu tshika mishkenanut tshishnuashtakan uinipek^u-atusseun mak mitshinash, tshe ashineuatshanut kie tshe nukitan pukutaun, e nitautshiak kie ishi pukutaiaik uinipakuat tshetshi uishamakuat tshe ashtat shunianu e uapatiniueik e tshi utinimeshk ne atusseun ute e ishpatashkamitak assit. »

Kie, nipetetan e uauitakan mitshetuit ishinakutan ne atusseun mak mishta atusseshtakan tshika uitshiuueu nete uinipekuat-pakassun e uauitakan kie tshetshi mishituepinitakan a tauanut namesh. Niauitamakutan iat tshetshi uauitshiushinanut tshetshi minu-takushinitau maniteuat mak ka aiashit nete ut katak ka utshipanit mak nete naneu ka tat, kie tshetshi minanit ne ishkuteu-uta tshetshi uatshipitatau mitshiminnu ute Canada mak nutam assit.

Ume ka ishpish tutamat atusseun, issishuanipan ue Canada tshetshi tutak tshetshi nishtuapamakan kie tshika ui utinam utapun. Miam mate kakussanut mak kanitautshi namesha, nanituenimepan tshetshi tshishe-utshimau tshiminanat auenu tshe « kapimutash aiamunu » kie tshetshi nishtuapatakaninit. At

[Ashu-uitimatun] « apu tshekuan tshika minupan eka takunikau takuaikan. »

ne tshi natshishtakan atusseun e tshitapatakanit ne shash ka tshimitet mak nete ut tshishe-utshimat shash ka takut mak ne tshe takunikau, nitikutan ne unipek^u-atusseun u itutakan, unuet, tshika ui minutanu kie mak « mamau mitunenitshakan » nete tshishe-utshimat kie anitshenat pitu-tshishe-utshimauat e tatshishkatit, kie kutak tshishe-utshimauat.

Nipetatan kie ne ishinakuat unuipek^u-pakassun ute Canada peikuit tshika ui ishininakuan nete takueikan tshetshi shutshiteieshkan ne aimun kie mak uetanikan kie tshetshi mishkutunikanat takueikan neme e mishkutakanikau atusseun. Kie, nitikunan ne e ishi naushunakanitau kupaniesh mak e ishi uitshi-atussemakanat auenitshen, tshika ui pushipinianut nete innaut, pinitakuat, mataunut, kie mak kie kamassit mak nete naneu ka apit auenitshen, tshetshi ki uinau nete ut pakassutau.

Unipanitauat anitshenat ka shakassinitat, **tshe ishi tshipishkatshet** ne ua mashituepanitakan uinipek^u-atusseun:

- E ishi-mishkutshipin assi mak e metshipitakan tshekuan;
- Ne atusseuakan eka ka minuat kie mak tshiash mitshinish mak ne ka nutepanikau atusseuakan tshetshi mishituepan;
- Anitshenat ka animiutau tshetshi uauitshiakanitau kie tshetshi ui pushipinianit;
- E ishi animiunanut tshetshi uishamakanit ka atusseshit kie peikuan taunuat tshe shtat ushuniamuau;
- Tshetshi iuiashit shunianu nete shuniautshuapit mak tshetshi uauitshikutau tshishe-utshimau;
- Eka ishpashat shuniaiu;
- Tshetshi nutepanikau tshitashun kie mak mashinaikan tshetshi utinikan aimun;
- Ne tshiash-takuaikan mak eka tapishkut e ishinakunikau takuaikan kie eka peikuit ishi utinikan aimun;
- Eka miam e ishi-uapatakan uinipek^u-atusseunu kie eka minu-utinikan;
- Eka uapatakan nikan mak eka minu-matinuanut atusseun nete tshishe-utshimat.

Kie niuaitamakutan miam tan **tshe ishi atussanut** ne uinipek^u-pakassub ua ishi tshitutat mak tan tshe tutakan tshetshi eka tshekuan tshipishkatshemikuat Papeik tshekuan e mashinaikanishteu.

Uemuat tshetshi nitautshitan mak minupanitun

Ne uinipek^u-pakassub ute Canada tshi tutam^u kutuka atusseun kie minekash tshetshi takun. Kie tshipatshi « kau unikaputanu » ume tshi pimipan manitushish tshetshi kassinu auenitshenat ute Canada utinukau miam mate kakusseshit, akanishauat, innuat kie kassinu tshetshi minu-utinishitau, anu mak innuat mak anitshenat naneu innuat nete uinipek^u-pakassun.

Ute uinipek^u-atusseun-mashinaikan, nishtuit ishi-uitakanipan tan tshipatshi ishi-minutananu atusseun ute Canada tshetshi minupan kie tshetshi utinakanitauat innuat, pinitakuat, mataunnuat mak ka massit:

- Innuat tshetshi pushipinianit;
- Tshetshi passisseshkanit ne ua pushipinianitau innuat, mataunnut, kie ka massit;
- Tshetshi tshishkutamuakanitau ka kusseshit kie tshetshi etatu nashtuapatakau utatusseunau.

Ka ishpish takunikau mitshishuan kie ka ishpish natshishkatunanut uaitakanipan tshetshi mitshetitau katusseshit mak nanikan tshetshi iashkunanitau katusseshit kie kakusseshit nete uinipek^u-pakassun. Uitakanu iat tshetshi natshishkuakanitau innuat mak ka takuaitsheshit nete innit nete mammit, nitamit mak tshishe-tshiuetin, kie peikuan ishkuemat mak ussinitshishkuessat mak ussinitshishut. Anitshenat ka tatau nete mitshishuan ka ishi -uaitakanikau, uitakanipan takut tshi pushipinianitau nete innuat, pinatakuat, mataunnuat, ka massit, ishkuemat nete uinipek^u-atusseun.

Kie iapit, uishamakanipan ute Canada ut auenitshenat tshetshi tshiuenitau nishinu kukuetshitshemunna nete ut katusseutshitapatakan, tshetshi kassinu tshekuan katshitaikan mak tan tshe ishi-uitshi-atussemitinanut kie tshetshi unikapuiakanitau katusseshit nete uinipek^u-pakassun.

Ka ishipetamat... mitshetuau e uitakan

Anitshenat ka natshishkautshit tapuetatshisut tshetshi minu-uauitshikanit anitshenat innuat, pinitakuat, mataunnuat kie kassinu anitshenat ka kashtaukuat uinipek^u-atusseunu tshetshi minekash takut.

[Ashu-uitimatu] « tshika ui mamushtakanu ne atusseun ua tutakan e tshitapakan uinipek^u-atusseun tshetshi utinashinanut. »

Nipetenan e issishuanut ne uinipek^u-pakassun-mashinaikan tshe takut, utinikanu e pimipan tshetshi uitshiatussemanit innuat ne ua minu-uitsheutinanut. Nipetetan kie e issishuanut anitshenat ka kashtaukuat uinipek^u-atusseunu, naneu ka apit, innu-tshishe-utshimauat ui pushipinut ne ua meshituepanitakan kie ua tshishpeuatakan, ua uashkamitan uinipek^u tshetshi minu-kutet uinipek^u mak nenu kassinu tshekuanu e ishi-katshitik^u.

[Ashu-uitimatu] « tshishe-utshimauat, innuat, mak anitshenat ka katshitaakuat uinipek^u-atusseunu minu-aimitutu kie nanitutuakanitau ekuet nete tshetshi ut pushipinianit innuat. »

Innuat kie anitshenat naneu ka apit kakusseshit ashpitishimuatsheuat kie ekuat nete tshi ut pikassutau uinipekuat mak nete ushka nipit kie apu nanitam tshi minu-akusset. Mitshetuit kie mitshetuau uitakanipan nete mitshishuan kie mashinaikanishtakanipan. Nipetetan iat aietun nete uinipekuat ka ut ne eka e tshi kussanut apu nanitam tshi pakassiatshanut kie apu tshi minu-utinashit anitshenat naneunnu.

Kie anitshenat ka tatau uauitamuan tshetshi tapishkut tutuanit (eka tapishkut e tshishikuanit kie tapishkut e ishi minakanit) kie eka minu-tutuanit nete uinipek^u-atusseun. Iat uitakanipan iat anitshenat tshishe-utshimauat tshika ui tutamuet atusseunu tshetshi kassinu tapishkut auen tutuakan ka kussanut ute Canada.

[Ashu-uitimatu] « Takuaimatsheun u pushipinianit innuat, mataunut kie ka massit tshi tshissenitakuen tshekuanu ua apishtatau. »

Nipetetan kie e issishuanut anitshenat ka kashtaukuat uinipek^u-atusseunu, naneu ka apit, innu-tshishe-utshimauat ui pushipinut ne ua meshituepanitakan kie ua tshishpeuatakan mak ua uashkamitan uinipek^u tshetshi minu-akutet uinipek^u mak nenu kassinu tshekuanu e ishi-katshitik^u. Ishi unipinipan aimun ka utshimau aiminanut anitshenat ishkuemat kie ussinitshishkuesset mak ussinitshishut tshika ui nanutuakanut kie uinuau. Uesham uinuu ne tshetshi mishkutunikau kie tshe petatau ussi-atusseunu. Muk^u, nuitamakutan ne uinipekutesseun animiuat tshetshi uitshiatussematau innu, mataunnu, kamassishit. Apu kassinu mamu tshikut ishi petat.

Kie anitshenat ussinitshishkuessat kie ussinitshishut apu nanitam ui utinikau nete uinipekutesseunu tanite apu tshissenitakau e tshi mishanit nete atusseunu kie e tshi atusseuatshanut katesseutshitapakan. Uitakanu ute uinipek^u-pikassun-mashinaikan kie uauitakanipan nete ka utshimau-aiminanut. Nipetetan kie e issishuanut anitshenat kakashtaukuat uinipek^u-atusseunu, inniuatsheuat, kie pukutauatsheuat nene ussi-atusseuakan kie nenu e ishi-mamitunenimitau ka auassiat, uesh ma nishtutatshishut nenu uinuu shipaneunu kie pakassune. Nitakuan kie ne uinipek^u-pikassun anu kaniupinu e utinatau e uassiuat katusseshit kie e pukutaninit e atussetau mak ussi-mitunenitshikanu e petatau.

[Ashu-uitimatu] « Tshetshi minuatakau ussinitshishut mak ussinitshishkuessat tshetshi nanatuapatakau uinipek^u-atusseunu tshika ui uapatinianut eka muk^u tshiam e shuiatsheuatshanut. »

Kie, ishi uauitakanipan e nutepanitau ka atusseshit kie takut tshi utshepinanut e nananituapamakanitau kie mitshetuit e ishi tapitit atusseun, kie nete ka ashupitshinikan atusseun kie tshika ui pushipinianut innuat, pinitakuat mataunnut kie ka massit. Kie ka natshishkuakanitau tapuetsishut tshetshi tshishkutamuakanitau, kau tshi uapitinanitau kie nitshinikanit upukutaunau katusseshit kie anitshenat tshe petashinitet katusseshit, kie iat anitshenat Innuat mak eka ka tshikanakushit tshi pushipinianit. Tshetshi natim aieshkunanitau ka kusseshit nete uinipek^u-pakassun ekuen ne nikan takut tshi ashtakan.

Ka tutakan uinipek^u-pakassun mashinaikan, nitshissenitetan nete nishtuit takunikau uinipek^u, nete ka ut utshipanit takut tshetshi ueuetinimitau ne e ishi nikatet mak apu kutakat uiesh e ishi nitshishkakan nete tshishe-tshiutin. Mitshet iat uitamupan, Uashau Hudson, ka mishikamat shakaikana kie nete e tshi pimipan ishkuteu-uta uemuets tshetshi shitshishtakanikau kie tshika kaniupinu nete uinipek^u-pakassun-mashinaikan.

[Ashu-uitimatun] « ka mishikamat shakaikanna pushipinitanikau ekuan nete tshetshi ut minupan uinipek^u-atusseun mak uinipek^u-pakassun [...]. »

Nishtutatshishunanun takut, **tshetshi passisseshkanit** kie itshenakanikau ne ua pushipinianitau innuat, ishkueuat, ka uassiat kie eka ka tshikanakushit nete uinipek^u-pakassun. Ne takut tshetshi passisseshkan, ekuen ume:

- E nutepan tshetshi minu-uauitakan takut atusseun mak e tshi shuiatsheuatshanut ne uinipek^u;
- Eka miam e ishi-uapatakau auenitshenat nenu uinipek^u-pakassunu kie eka minu-utinikan;
- Tshetshi tshishkutamuakanitau ka kusseshit mak ka atusseshit tshetshi etatu nitau atussetau;
- Eka nita ut tutakau uinipek^u-atusseunu;
- Tshetshi iuiashit shunianu nete shuniautshuapit mak tshetshi uauitshikutau tshishe-utshimau;
- Eka shuk^u e minuakau atusseutshuap ne takapitshenikan e minuut;
- Eka ishpishat shuniau ka apishishit atautshuap;
- Tshetshi minu-nakutuemanitau e kupanieshit.

Kie, nuitamakutan e tatau kakusseshit e animutau tshetshi ishi kussetau nenu e ishi takuninit kie mak e ishi atanit namesha, kie mak kusseu-kanu tan tshe ishpish akussetau, kie teuat kutukat apu shuk^u ui ishi pakassutau, miam nenu ka nitautshianit nameshat kie mak nanimissiu-ishkuteunnu, eka tshi minu-tshissenitakau minekash tshi uitshianukuen nete tshishe-utshimat. Kie nitshissenitenan anitshenat innuat e animutau tshetshi utinikau nenu atusseunnu nete **nanikashinut shuniat**.

Issishuanipan kie mitshetuau unipinu ne **tan tshe tutakan** ne uinipek^u-atusseun ua uitikan tshetshi minupan kie tshe ishi passiseshkanit nete nekashinanut. Ume ishi tatipanikanu:

- Tshika ui pushipinianut nete innuat, pinitakuat, mataunut, kie mak kie kamassit tapishkut e tutatinanut
- E ishi takueimatshanut mak e ishi utinikan aimun
- Innuat

- Naneu ka apit
- Tapishkut e tutuakan auen
- Ka ashu-mitunanut aiesnishkat
- Tshetshi tshishkutamuakanitau kupanieshit mak nitau-atusseun
- Minu-matinimatun atusseun kie kaniun
- Tapishkut e tutuanit assi.

Nikanishtanun shipaneun kie minipanitatau nete uinipek^u-pakassun, anutshish kie nikan

Uinipek^u-pakassun ute Canada tshi tutam tshetshi ussi-atusseun kie tshi mishituepanitau uinipek^u-pakassunu tshi passisseshkakan mak minutan ne uinipek^u-atusseun. Tshipatshi kie « kau unikaputanu » tshi pimipan ume akushun COVID-19, tshetshi etatu auenitshenat ute Canada pushipinitau nete uinipek^u-pakassun kie tshetshi utinashitau, nu ma minat innuat kie eka ka tshikanakushit auenitshenat.

Uinipek^u-pikassun mashinaikan, nishuasht mashinaitakanipan nete ut uinipekuat e ishi tatshishkatumikuat atusseun mak e ishika-kaniupan tanite uet utshitau (miam mate: atusseun) mak uinuau upakassunau. Iat aishkutakanipan patetat nuash nishuaush kukutshitshemun nete nishuasht ka ishi uatakanikau tshetshi mautanit ne ua ishi tshissenitakan tshetshi nishtutakan tan tshe ishi nitshishkakan kie tshetshi ishi mishituepanitakan.

Ne kassinu mitishuakan peikuit mak mitshetuit ishi uauitakanipan nete uinipek^u-pakassun, kie 50% anu tetauat ne ka ishi pashkapatan tshekuan anitshenat ka tat ka utshimau-aiminanut tapan. Kie anitshenat kupanieshit tatipan ka utshipanat atusseshtamupan tshetshi nitshishkatunanut.

Ne e ishi mashinatet ekuannu nenu ka ishi uitakau kakusseshit mak uinipek^u-atusseunnu ka uitinikau, nete tamipekuat, ussitakuat mak natakam, ekuanu umenu e ishi uitakau kie mamu ka ishi-mamitunenitakau. Uinipek^u-pikassun mak uinipek^u-atusseun:

- Ka kussanut
- Aitun nipit
- Ka mishkutunikan mitshim
- E aunakanit auen nipit
- Pukupeutshikan mak kusseutshuap
- Uta ka tutakanikau
- Maniteuat anite eshi-naneuianit mak anite nipit
- Nanimissiu-ishkuteu nete uinipekuat
- Atusseuakana shipekut ka atusseuatshenanut
- Uinipek^u-pakassun nikan e ietapinanut mak e ishi-utinashunanut

Ka ishipetamat... mitshetuau e uitakan

Ka tutakan uinipek^u-pikassun-mashinaikan ishi nishtitatutshishunanut ne uinipek^u-atusseun e mishta-apitit anitshenat naneu ka apit, tanite nete ua takut (iat e tshimakanitaau innuat kie nete pitishu) mak kassinu mamu e itishiak. Ishi nishtitatutshishunanut iat ne uinipek^u-pakassun ne e ishpitenitakuniaut uinipek^u mak meshat nete atussuen kie PIB.

E tshitshipinanut, nuitamakutan kie ne uinipek^u-pikassun mak uinipek^u-atusseun e apitit ute Canada e ute auenitshenat kie **ne** tshetshi ut pakassunanut nete utenasse naneu ka takut. Ek innuat, minanut nenu tshetshi kussetau, ne namesh tshetshi mitshishunanut, e mamuitunanut kie utinnu-aitunnuau innaut kie takunin utipenitamunua, kie ne kakussanut tshipatshi nete ut minu-uitsheutunanun. Anitshenat innuat nete kashkanutshu-assit ka utshipanit kunenitamuat tipenitamunu, tshetshi kussetau tshi mitshishutau, patetat innu-assi Nuuchahnluth Colombie-Britannique nete ka ut utshipanit kunenitamuat tipenitamunnu tshetshi kussetau kie tshetshi atauetau namesha. Kie, anu peikumitashimitinu-ashu-nishtinu innussia ishi pikassuat nete ut uinipekuat, kie mitshet innuat, mak mashinuat iat uekuet nete ut pikassutau kie pushipinut e namesha-atautshuap.

Kie, ka kussanut mishta-ishpitenitakuat nete kakusseshit nete naneu ka aputshen, iat nete e tshi pimipanikau ishkuteu-utat. Miam mate, apitin tshetshi tshishpeuatanit kie nakutenimakanitau ka tipenitakau uta kie nete naneu ka apit tshetshi kunenitakau nenu e ishpitenitakunit utetautshuapau kie upakassunuau, kie tshetshi eka nashipinit nenu tutanit, itatieshin unameshumuau, papeik^u e atauanut mak anem. Kie mitshetuau nuitamakunan tan tshepatshi tutanu tshetshi natem takun ne ashu-minitun nete ka kussanut, e minutshitapatakan tan tshe ishpish amitshuepanitan kie tshetshi minu-tshitapatakan takuaimatsheun tshetshi shutshiteieshkuanit ussi-atautshuap.

Ka ishpish atusseshtakan, kutak uinipek^u-pakassun ka katshitaukuat uitamupan e apitinit ne kakussanut tshetshi pakassunanut. Iat kapamaunanitau e naneueianit ka papamishkashit, nete kusseutshuapit, e tutakanikau ishkuteu-uta, pukupeutshikan mak ka kunashunanut, mak nete e nikuanit namesha mak mitshim^u ka utshipan nipit.

Ishi uitakanu ne nipitat-pukassun nameshat, eshat mak shashapina, mak ne kassinu nete ut shipekuat ka utshipan. Apu kassinu tapishkut itenitakau anitshenat ka tshiuenitau aimun ne e uauitakan shipaneun mak e ishi nitautshian namesh. Tapishkatumikuan, uitamupan nanitam tshetshi uauitshikianit e uitakan nete eshat mak nete uinipek^u-uapikun nete nipitat, kie minu-uitsheutun tshetshis natuapatakan ashit Innuat. Tshi tshitapatakan tshetshi nitautshian shashapin kie tshetshi minu-nanitu-kunuenimanat shashipin, kie tshi ishi-utinikanitau e minu-

[Ashu-uitimatun] « Ue Canada, ishi uinitshishu miam uinipekunnut, mauat uin muk^u tshiam nene ut utipatshimun, kie nenu e ishi pukutat kie e kunenitashiak^u muk ne iat ne kakusseshit mak ne e uashka takut nipi, akaneshauat mak innuat kie ne tshishe-utshimau e ushkuishtatshishutau uinipek^u-atusseun kassinu auen. »

[Ashu-uitimatun] « Minu-uitsheutun apitin tshetshi itshetishinikin ne eka tapishkut e tutuanit essimeuat mak kakusseshit kie akaneshauit, tshetshi minu-pamipanitan minu-uitsheutun e tshitapatan uinipek^u-pikassun. »

[Ashu-uitimatun] « Eka tshitapanakanitau anitshenat ka tipenitakau ekuen tshe tutuanit anitshenat nutem kakusseshit. »

[Ashu-uitimatun] « nitaieshkupinan tshetshi anu shtaiat shunia, muk nika ui tshissenitenan tshetshi uemuat kaniupinikue kie nitautshiat [...]. »

apitshishit ne tshishik^u ka mishkutshipanua, ekuen ishi unipanipan aimun ne mitshishuan, e utshimau-aiminanut kie e ishi-pashkapitan.

Miam mate, kakussanut mak kanitautshianit namesha, nanituenimepan tshetshi tshishe-utshimau tshiminanat auenu tshe « ka pimutash aimunu » kie tshetshi nishtuapatakaninit, tshiminakan e ashpitishimuatshanut takuatshieu-mashinaikan, pikass e itashtet kie tan tshe ishi utinikan aiamun. Ni ishi uitamakutan eka minu-tshissenitakuat tan e ishpin ekue ne uet nikatet atusseun ne uinipek^u-pikassun mak pua eka tatau katusseshit. At, ne peikuet e ishpin iat nikanipinut ka atusseshit nete uinipek^u-pikassun kie nashamut nenu katusseutshitapatakan tshetshi atusseuatshetau kie akua tshetshi tutamatau kie ushkapamitatau nipinu. Kie, ne nipi-pikassun utineu e uassiuat katusseshit kie kunenitamuat nete tshe shakassinitatau tshetshi utininitau innuat, mataunnut, pinatak tshetshi atussenit.

Ne nipit-pikassun mak kanitautshianit nemasha shutshiteishkamuat nete ka nikunitau nameshat kie uinipek^u-mitshiminu. Nipetetan ne ka nikunitau nameshat kie uinipek^u-mitshim tshipatshi mishishtu, e ashpitshishimuatshanut e ishi nanatuenitakanikau ne mitshim mak ka ut utshipan uinipekuapukun, kie e tshitapatan e ishpeh nananitunimakan namesh. Muk iat uitakanu e nutepanitauat kupanieshit. Kie minu tshitapatakanipan, kie nanituapatakanipan tan tshe ishi ueutshishtakan kie tshetshi uishamakanitauat mataunnut tshetshi natshi atussetau, kie anitshenat ka petunanitau ka atusseshit.

[Ashu-uitimatun] « E minuat atusseuakan [...] ekuen tshe atusseuatshanut tshetshi nashtapatakan uinipek^u-pikasshun, kie tan tshe ishi akua tutakan mak tshe ishi tshitapatakan uinipek^u. »

E tshitapatan shipaneun mak pakassun, issishuanut ne ka nikuanit nameshat tshetshi nanituapatakau tan tshe ishi-tshunitau pipiteu tshetshi eka uinakutatau tshishikunnu e tshitapatan ne ua utitaikan uinipek^u-pikassun. Ek, anitshenat ka aimit ka utshimau-iminanut nanitunitamut tshetshi ashtanit nete shunianu tshetshi ussi-mitshinish takunikau, iat nete tshiuetin.

Ka kukuetshimanit, tshetshi takunit nete tshe ashpitshishimuat nenu atusseunu ka tutanit tshetshi tshishpeuatakanit uinipekua. 1,5 mishta-shuniau ishpashau shuniau, ne atusseun ka tutan mishtamekuat tshetshi uauitshikanitau nemenu e pishtukanitau kie tshetshi eka ukamukutau uta, kie tsha ui kukuetshimanut innuat tshetshi papamipitatau tshi nakutenitshetau mak tshi uishamakanitau e utshepinanut. Ishi-unipanipan tshika apitin ne atusseun e tshitapatakan ne ishkuteu-uta tshe uatshipitau atusseuakan ute Canada mak nete tshiuetin, muk tshika ui minuau e papaminanut kie tshetshi ueutinikanikau.

[Ashu-uitimatun] « Tshika ui ashpitshishimuatshanut me tshishpuashiun mashinaikan nete nipi e uauitakan- shash ne tshi ishi nishtuapamakunanu. »

Ne ishkuteu-uta meshkanau apitin, ueshma ekuet tashkamaupinat uta nete ka mishat shakaikan, nete St-Laurent uinipekuat mak ute Canada. Kie nikan takun uinipek^u-pakassun, issishuanut: ekuen uet mishat pakassun ute Canada. Nipassenitenan kie ne ishkuteu-uta ka uatshipitau mitshiminnu mak atusseuakan akua e tutakau, miam mate e kutshipanitatau e apimitshimanut mak ne ua tshinikanikau pipiteu kie mak e uinakamatatau nipinu. Tshishe -utshimau

[Ashu-uitimatun] « Le Canada tshipatshi nishtuapamakanu ute e ishpitishkamikat assit e minu-tutakan atusseun nete ishkuteu-uta e pimipinit, nete ninimissiu-ishkutet tshetshi pimipan. »

ukanananituapatsheshim kie kanikanipitat ussi-atusseuakan mamu tshika ui atusseut, ka papamishkatau uta tshetshi nikanishtanakau nete katusseutshitapatakan.

Ne ishkuteu-uta ka ut tapishinit minu-uitamuat uemuet ua apishtat takuaimatsheu e tshitapatakan apimi kie ne ussi-atusseuan nete ut katusseutshiptapakan, iat tshetshi mishkutunikau takuaimatsheunmak peikuit tshetshi ishinakunikau kie tshetshi nikanitanut ute e ishpitishkamikat ua tutakan atusseun, tshetshi tapauanit nete kassinu eshpitishkamikat assit kie Canada tshetshi nashuat nenu kutak assia.

Kie ne akua ua tutakan nipi katshitaukut pukupeutshikan mak kakuanashunanut ute Canada. Miam anitshenat passe ka ishi uitamutau, tshetshi «kau unikaputano » ume, tsha ui shtanu shunia, tipaikan, atusseun nete pukupeutshikan kie mak kakuanashunanut tshetshi minu nashakan e mishkutshipan tshishik^u utshitshipinu tshetshi mishkutunikan apimi mak katusseutshitapatakan tshetshi atusseuatshanukau tshe apishtatau ishkuteu-uta. Nitshissenitenan kie shash mitshet pukupeutshikan mak ka kuanashinanut nite mamit mak nitamit shash nu nashamut tshetshi tshupinit pipiteu kie ne akuat ua tutakan assi.

[Ashu-uitimatun] « uanuau takunikau atusseun pessish innu-assit pukupeutshikan mak ka kuanashunanut, minua tshi tshitapatakanikau tshek atusseuakan tshetshi kassinu auen minu-panikuat. »

Pukupeutshikan kie kakuanashunanut tshipatshi nitautshut e tshitapatakan ne ishi-natuenitamumikuat a papamaunanit auenitshen kie tshe ishi pitepanit ute ishkuteuta. Ishi unipanipan kie e ueuetinakan nete e shipashinanut nete ka kuanashunanut nete tshiuetin, tshipatshi atusseuanut essimeuat kie pushipinianut uinipek^u-pakassun, kie tshipatshi minushtakan ne e animuet nete ishkuteu-uta meshkanu. Miam mate, shtakan nete shunia nete pukupeutshikan kaiapishashit kie nete ut pitepanikau uta tshetshi shaputue tutakau ka ishi-inniutau, utinnu-aitunau **kie** upikassunau.

Nete ka tutakanit ishkuteu-uta mak uta apu animikakuat nete e pimipin nipitat, kie nete kakussanut, mak nipi-pikassunu. Ne tshetshi shipaneupan unipek^u-atusseun kie ne a itaputit tshetshi pimipan uinipek^u-pikassun tshika ui makipiteu. Nipetetan kie anitshenat ka tutakau uta, ka nikanipinitat uinipek^u-atusseunu kie tshe ishi ashtan shunia mak tshe ishi uauitshiushinanut mamu tshika ui atusseut tshetshi tutakanikau uta tshe eka pipiteu panitat mak minekash tshe takunikau mak tshe akuakekapushinanut utat. Nipetetan kie e apitit tshetshi takut mamuitun shit kanikanipinitat uinipek^u-pakassunu mak uta tshetshi nass uauitshikanitau ataunuat anitshenat ka ashtat shuniaunu ussi-atusseuakan a petat.

[Ashu-uitimatun] « Eshk ne apu tapishkatumikuat uishkuteu-uta ka tutanikau, ishi kunenitashit mak ne eshi kunenitash nete ka tutakaniakua utat nenu takut tshetshi apashtat. »

Nipetetan ne aiatineun-atusseun nete ka tutakanikau uta tshi nituapatano ne nishtutanun katak e uapatakan kie tshi shuiatsheuatshanun. Nete ka tutakanit ishkuteu-uta mak uta apu animikakuat kie uinuau ui katshiteitsheut nete utaua-uta eshi kunenitashit mak tshetshi nete nitaupatakau nenu ka ishi nanituenitat, ishkuteu minekash ka minuat. Niniteunitanu kie tshetshi kuashkuekanitakuau tshetshi naushunakanit auenitshen tshe tutakau uta kie akua tshe tutakau uinipekunnu mak tshishikunnu.

Ka ishpish nitshishkatunanut, etatu ninashtuapatinikunan kie ni minu uitamakutan anitshenat ka nashtuapatakau uta (miam mate uenitshishiu-uta) mak e ishi-uauitshiakanit, kie iat nete kassinu e tshitapatan tan e itapitit mak e ishi-kashtauet. Ne atshitashun mak ne takut tshi tshissenitan nete ka tutakanit uta mamushtakanipan ashit nete kutuka ka uinipek^u-atusseunnu ka atusseshtakau, tshetshi eka uetet e utinikan aimun, tshe ishi tshishkutamatshanut, tshe ishi tshitapamanit ka papamaunat ka papamishkashinit. Iat ne uauitakanipan tshetshi minu-tshitapamakanit uta ute Canada ka tutakau nete tshishe-utshimat tshi ishi nashuakanit netakess umenu 2021 mishta-atshashun.

Ne uta-ka tutakanikau kie e ishi uauitshiakanit anitshenat ka ututit ne ka papamaunait ka papamishkashit uinanut nete uinanut, ekuet nete uetinakau tshetshi uauitshikanitau ut Canada kie anite ait-assit. Nuitamakuan ka pamaunanitau ka papamishkashit, nete mammit, nitamit, mak tshiuetin shutshiteishkatsheuat miam mate kusseutshuapit, e tutakanikau ishkuteu uta, ka natshi tshitapamat matamek, kayak/uta mak ka minuatit e papamanit.

Mishta katshitauku manitushiss COVID-19 ne ka papamaunanunit ka papamishkatau, mitshet nenu ka katshitaukuat aimipan kie shutshenitamuat tshetshi minupanit nenu uinipek^u-pakassunu. Nipissenitetan ne ia ka papamishkashit e nanituapatakau nenu « **uashashkutuan** » ukuet e ishi pishkapatan ute Canada

Innuat, ishkueut mak ussinitshishut mak ussinitshishishkuessat tshetshi tshikanakushitau. Uinipek^u-pakassun ishi kunenitashu tshetshi shipunat mak kat anitshenenat kutak assi e tshitapatanakau, mishau uinipek^u kie apu nita pimipanicau nete uta kie eshk tshatshi utuanu atusseun. Tshika ui utshepikatanu e atusseshtakan tshetshi akuat tutakan kie uinipek^u kie nete uashka tshetshi shipaneun takut kie minekash tshetshi pakassiatshanut.

Kie, nuitamakutan e tatau kakusseshit e animutau tshetshi ishi kussetau nenu e ishi takuninit kie mak e ishi état nete nemaha, kie mak kanu tshetshi katshitinitatau, kie mak teuat apu shuk ui utinikau nenu atusseunnu. Anitshenat ka tat apu mamu itenitakau e uauitakanit shipaneunnu mak tshetshi eka meshtauakan namesh. Iat, nipissenitetan e tutakan atusseun tshetshi minekash takut kie ussi-tshekuan petanikau shash ka tutanak kie tshetshi etatu minuat tshi etatu akuat tutakan assi kie nipi mak tshi aieshkunanitau kutukat katusseshit. Iat nete tshimakanut anitshenat ka tshitapatakau upikassunau.

Nete apimit ka ut pakassutau takun tshi takunikau minuat atusseuakan tshetshi minu-atussanut miam takaputakan tshetshi shutshishimukuat katesseutshitapatakan. Issusshueut uinuau, tsha ui shtanu nete shuniau tshetshi shutshishimikutanu « nete e naneueia » tshetshi pushitau uinipekuat.

Ka aimitanut mitshishuan, nipetetan e uauitakan ne e tshi pakassiatshanut nipi ussitipekuat kie atamipekuat kie minekash e tshi pakassiatshanut ne uinipek^u kie nete e utinashinanut.

[Ashu-uitimatun] « Eshk^u ne apu tapishkatumikuet e ne itutakan uishkuteu-uta ka tutanikau e ishi kunenitashit mak ne eshi kunenitash nete ka tutakanikau uta nenu takut tshetshi apashtat ne ua atauanut [...]. Tshipatshi ashineautshanun ne uinipek^u-pakassun ute Canada kie ka tutakau uta. »

[Ashu-uitimatun] « Niteieshkupinan, tshetshi minututshi nitaunuminan. »

[Ashu-uitimatun] « Anutshish, akua tutakanu assit, anitshenat apimit-pikassun ka tatau pissenitamuat nenu kie ushkuishtamut tshetshi akua tutakan assi. »

Tshetshi tutakan ne atusseun, ne takuaitsheun tshipa ui ishinakutanu e tshi mishkutukanikau, kie e nikanuapatanakau mak pekuit tshetshi ishinakunikau mak tshishe-utshimauat mak pitu-tshishe-utshimauat tshi uitshi-atussemmitau. Takuematsheun-mashinaikan takun tshi ishinakutanikau tshi utshepinanut kanu e pitshitinanit kie e kutshipinianit auenitshen.

Ka tshitapatakau nenu nanimissiu-ishkuteunu uinipekuat ka utshipanit issishueu tshetshi minu-uitakanit tshekua uet tutakan, ne pipiteu e uanakatat tshishikunu kie mak uinipekunnu, anu ma minat ua nitshishkuakanitau auenitshenat kie ua pushinianit. Uitanipan iat ne tshishe-utshimau takut tshetshi uauitshiat nenu kaiapitshissishinit pakassun nenu nanimissiu-ishkutet: kananutuapatshanut, ka tutakan atusseun, ka uapatiniuanut mak ka atauatshanut.

[Ashu-uitimatun] « Tshika ui minu-tshitapakanu nanimissiu-ishkuteu uinipekuat ka ut pimipan. 10 ishpishimikuat ninimissiu-ishkuteu apu ishpishimikuat. »

Kie iat katusseutshitapakan ka ut atussetaut uinipek^u-katusseshit ekuanu e ishi pitshitinit aimunnu ne: tshitshe-utshimau tshi ata nenu e kutshipinitanit ussi-atusseuakan anitshenat ka ashtan shunianu mak ka ataunut. Tshetshi natem uauitshikanit kanikanipinitat atusseunu, kie tshetshi takut shunia nete tshishe-utshimat, kutak tshekuan tshe ishi uauitshiuanut nete uinipek^u-atusseun. Iat, ishi uitakanipan tan tshe ishi-pimutanut ne utinashunanut e tshi kaniupan, muk tsha ui mishkatunikanu tshetshi nashanat e ishi pimutet ne kutak ishkteu-uta.

Ka ishipish nitshishkatunanut, nitshissenitetan iat katusseutshitapakan ka ut atussetaut kunenimeuat kupaniesha e mishta-tshishkutamuanit kie a nitau atussenit kie anitshenat atuanut nishtuapamanut ute Canada kie nutim ishpitishkamikan. Iat nete teuat innuat ka kunenitakau uinipek^u-pakassun. Kie tshetshi mishituepanitakan ne uinipek^u-atusseun, uinipek^u-pakassun ka ut tapishinit nutim tshika ui uitshi-atussemitut, tshetshi mamu nanituapatshanut mak tshi uauitshishunanut.

[Ashu-uitimatun] « Kassinu ne e tshiuetinimatunanut minua-miam ne e tutamek ume e utinamek^u aimun. »

Ute uinipek^u-atusseun mashinaikan, ka nanatuapatshanut nete uinipekuat, iat nete mashau atusseun. Issishuanipan, **ka tshikuanipin shunia**, ma kananituapatshanut uinipekuat meshau nete atusseun. Nishipetenan anitshenat pessa pikassun, kie katusseukatshitapan ka nikanishtatau, atusseshtamut nenu kananituapatshanut tshetshi ut atuanut kie tshi mamushtakan ka tshikuanipin shunia. Ishi uauitakanipan kie tshi ashtan nete shunia tshetshi minu-naniutapatshanut, kie tshi minutan uinipek^u-atusseun.

Ne iat tshetshi minu-kunenitakan uinipek^u uiuitakanipan ka ishpish utshimau aiminanut. Ne pikassun nikanishtanun kie ussi-atusseun (kie kutak tshekuan) tshika ui minu-tshitapakanu kie e uitshi-atussemitanut. Muk, issishuanun tshetshi shaputue shtakan nete shunia ne ussi-tshekuan u kutshipitanikau kie ussi-atusseun ua petanikau.

E minu-tshitapakan, uauitamupan ute innuat Canada e ishi uapatakau ne tshipatshi tutenanu tshetshi eka shipen ne uinipek^u kie tshekuan e kaniupan akua e tutakan, kie **tan tshe tutakan** tshetshi minupan nete kassinu ut uinipek^u-pakassun. Ute mashinateu ne na pikass ka uauitakanikau.

Innuat e pushipinat

Tshishe-utshimauat, kakusseshit, akaneshaut, innuat minu-apatishut tshetshi mashituepanitakan uinipek^u-atusseun ute Canada kie tshi ushkuistamat tshi akua tutakanikau uinipek^u. Anitshenat ka natshishkaunitau mitshet tapuetatshisut tshetshi apitinin uinipek^u-atusseunu tshetshi minutakan atusseun kit mitshetuit tshetshi itapashtakan kie innuat tshetshi pushipinianit, nenu uinuau e ishiniutau, tshekuanu nika e shtatau, kie e ishi taupuetashishut. Kie, mitshetuaui uitakanu ne uinipek^u-atusseun takut tshi utinikan tshetshi takut minu-uitsheutun ashit innuat kie tshetshi nishtuapatakanit utipenitamunau innuat, essimeuat mak mashinut.

Ka tshitshipinanut ume atusseun, nitikutan tshetshi uemuat takut tshetshi taua innuat tshetshi kie uanua petuakanitau tan e ishi uapatakau: *[Ashu-uitimatun] « Tshitshiipanitau mamu mak nainitam mamu kie mamu. »* Mitshetuaui uitakanipan ka ishpush nitshishkatunanut, iat nete mitshishuan, nete ka mashinaishtakan, ka ishi pashtapatakan kie nete katusseutshitapakan ka tshiuenitau. Anitshenat ka natshishkautshit tapuetatshisut e tshi minupanitakan ashit innuat kie naneu ka apitau ute ishpitashkamikat Canadian uinipek^u-atusseunu shutshenitamut, kie ua ua uishamanit mataunut kie panitakuat mak ka massit tshetshi uitshi-aussemukuiat.

Ute uinipek^u-atusseun mashinaikan, nikakuetshimitan tan tshe tutakan tshetshi kie uinuau innuat pushipanitau nete uinipek^u-atusseun, kie nete kassinu e ishi-kashtauet.. Ne peik^u mitshishuan ishi uauitakanipan tshetshi tshishkutamuaitau innuat, tshi minaitau atusseuakan tshetshit etatu minu-autussetau, mak tshi nanitutanit anitshenat ka nashtapatakau.

Tshi **nitautshitan ua pishipinianit innuat** ute uinipek^u-atusseun, ishi uauitakanipan tshetshi tutakan:

- Ishpitenitakanit kie nishtuapatakanit innuat utipenitamunau kie tshekuanu e ishi petashit nete uinipek^u-atusseun;
- Takun tshetshi shukanakutan ne innu tshetshit nakutuenitak assinu kie tshetsi uitshi atussemat tshishe-utshimaku kie tshetshi pitshitinak utaimuen, kie tsheshi tshishkutamuaitau ka nanakuenitshet assit;
- Tshi shtakan shuniaui tshi tshimitakanit utatusseuakanu innuat;
- Tshika ui mishkanu tshe ishi mamushtakanit innuat ka kakusseshit utshissenimitunau mak upukutaunau;
- Tshetshi minupinitakan ne uitshi-atussemitun, iat nete ka utinashinanut;
- Tshetshi tshishkutamuaitau kupanishit, tshetshi tshi-minu atusseuatshetaui upukutaunau;
- Tshetshi nanaituapamakanitau kutukat katusseshit, ka atusseshit tshetshi minu-tshishkutamuaitau kie manitam tshi nitautshitanit upukutaunau.

Tshetshi **pushipiniakanitau innuat** nete uinipek^u-atusseun, niuaitamakutan tshetshi uitshi-atussemitshit, kie tshika ui nashanut:

- **Kakussanut -pikassun** tshetshi eka animit e unuipatanikau mashinaikan, mak tan tshe ishpush kussanut mak tanite tshe isi kussanut.

[Ashu-uitimatun] « Itenitaman, uitamatshemikuan ne Canada etshi minu-apishtat uinipekunu kie pessish takuninit pakassunu muk apu tshi minu-pakassiuatshet. »

- **Nameshat ka nitautshinit** Tshetshi uauitshiakanitau anitshenat ka ui pushipinit nete ka nitautshianit eshat mak nete tshi nitautshinit nete ait, kie atshenat pikassun, kie anitshenat ka ui tshishipanitau mak ka ui nitautshiat utshashumek^u. Tshetshi shutshiteishkuanitau ka nitautshiat ka nitautshinat shashapinat.

[Ashu-uitimatun] « Tshishe-utshimauat tsha ui shutshiteishkuaut mashinaitsheutshuap, innuat, naneu ka apin auenu kie nenu ka ui apitenitaman ka nitautshinit nameshatan ua ishi-nitautshianit. »

- **Ka papamaunanit uinipekaut mak minishtikuat** shi uitshi-atussemanit anitshenat ka papamishkashinit ka auanat, utaua-tshishe-utshimau ka tipenitak-pitu-utshimassit mak nete tshiuetin tshetshi uauitshinit ua mishituepanitak ne atusseun.

- **Ninimissiu-ishkuteu nipit** ka tutakan Tshetshi tshishkutamanat innaut tshetshi pukutaut ui pakassiatshetau ninimissiu-ishkuteunn.

- **Ussi-atusseun nete katusseutshitapatakan** ka ut pimipan. Mishituepanitakan ne ka kutshipinitanikau atusseun tshetshi tepauanit anitshenat kutukat taunut kue. Miam mate, *ne tipaikan e ishpishipeiat nipi* tshi tshishkutamanipan nete innuat ekue tshi atusseshtakau nenu tshetshi putukutakanit nete katusseutshitapatakan, ekue tshi petat nenu tshetshi unishanitanit kanu, tshetshi nishtuapatakan e ishi mishikamat. Ne utitishit *SednaLink* tshetshi ut takapitshenimatshishunanut nete ut Iqaluit mak Kamitassit, tshetshi nete ut tapishimitshishunanun, kie tshi nakutenimanu utitishi (SMART) ishinakushu tshetshi tshekuan nete takut tamipekuat kie nete uashka, ekeut nete tshetshi ut mishkutassetau innuat, ekuet nete tshipatshi ut atusseuiakanut essimeuat ka ui atussetau. SmartICE ishinakushu iat tshetshi atusset tan ua ishi-tshishikanit nete Essimeu-assit kie tshetshi etatu minu tshissenimanit tan e ishi inniuit.

[Ashu-uitimatun] « Ninanituenan kie tshetshi kuashkaikan nenu tshi ui atussetau[...].Tshetshi uitshiatussemanitau anitshenat ka ui tapishinit tshetshi mishituepanitakan ninimissiu-ishkuteu shuniau. »

- **Mitshetuit e ishi katshitaukuat** uitshi-atussemanit tshetshi pushipinit uinipek^u-pikassun. Tshetshi kau tutakan autusseu e tapitit nete ut uinipekuat mak tutakan atusseun tshetshi nete ut pikassutau innuat, kau tshetshi petakan (miam mate atusseun *Pathways to Shipbuilding*), tshetshi atusseuatshanut ne tshe ishi-katshitauan tshishe-utshimau mak tshetshi shitshimanit Innuat kie tshetshi kie uinau pitshitinikau utishinikashunau.

[Ashu-uitimatun] « Nanitam ute nititatan uinipekuat kie naneu.Ekuet ute nanitam nut pikassutan, ekuet ute taku nikaniunan.Uttaua-tshishe-utshimau takunipan tshetshi uauitshikuiat tshekuan takut tshi tutamat, usham anitshenat innuat apu nishtuapatakau nenu ka mamishat pikassun. »

Ka pimutat ute Canada uinipek^u-atusseunnu

Canada nishtuapamakanu ute e ishpitishkamikat assit e minu-kunenitak uinipekunu. Ni mishituepanitanan ka pimutaiat nishutshishiunan nete uinipek^u-atusseun. Ka ka ishipish nitshishkatunanut, nikakuetshimatanan ute kakusseshit, akaneshaut tshetshi uauitamakuian tan nepa tshi ishi uapitiniuanan nishutshiunan. Ume nishitshiuenetan aimun ue Canada umenu e tshi ishi atusset:

- Tshetshi tuakan ussi atusseun tan tshetshi nakutuenitan kie e mishkutshipan tshishik^u;
- Mishipinuenitakan tshishutshishiunnu nete ka uauatakau uinipekunnu;
- Tshi mishkan tan tshe tutakan ne ishkuteu-uta mak matimekaut tshetshi eka pashtautshishutau, kie tshi eka mamashian matimek;
- Tshi uauitshiuanut tshetshi ishi-mitushinanut uinipek^u-mitshim;
- Tshetshi ishi nishtuapamakuishk^u ka nitautshitat uinipek^u uapikun uinipekuat ka uitshipanit pipiteu;
- Miam mate tshetshi utininashinanut nete innuat utshissenimitunau e utinikan aimun;
- Tshetshi nashtuapatakan uinipek^u;
- Tshi tshissenitakutan mak manitan ne ka uesham kussanut, e tshitaimatshanut, eka ka uitan kie eka ka takut takuaimatsheun;
- Takuaitshanut nete tshe shipeut ishkuteu-uta;
- Tshi tutakan atusseun anitshenat shit kassinu ka katshitaukuat uinipek^u-atusseunnu;
- Takuaitshanut tan tshe tutakan tshetshi mashikan ne ka uesham kussanut, e tshitaimatshanut, eka ka uitan kie eka ka takut takuaimatsheun mak ne nepenastik nete uinipekuat;
- Tshetshi minushtakan ne eka miam aietutuanit innuat kie anitshenat naneu ka apit;
- Tshi uauitshiushunanut ne ua takuaimakan uinipek^u mak nipi nete assi pitshenak ka tshitshipanit mak ka iapitshissishit assi;
- Tshetshi ishi nishtuapamakuishk^u ka tshikuanipinitat uinipek^u-pakassun.

Minat kutak tshe ietunanut

Apitin tshi mamuitutunanun e uauitakan uinipek^u-atusseun. At ka ishpishi pimipan akushun COVID-19, iat tshi utshimau-aiminanipan ashit mitshet akaneshaut, kakusseshit tepan ka uauitakanit uinipek^u-pakassunu, akua e tutakan assi mak anitshenat ka kashtaukuat uinipekua.

Ni nashkumananan anitshenat ka utinikau tipaikanu tshetshi tatau mitshishuan, ka mashinaimakuia ka ishi pashkapatakau kie katusseutshitapatakan ka tshiuenitau. Nishpitenitanan ka uauitshiat tshetshi minu-nakuteit uinipek^u-pakassun.

Tshi kuashkueikan, Uinipek^u-pikassun mashinaikan, katusseutshitapatakan: canada.ca/economiebleue.